

宋史

第十卷
第十册

宋史
第十卷
第十册

宋史卷四百九十一

列傳第二百五十

外國七

流求國 定安國 渤海國 日本國 党項

流求國在泉州之東有海島曰鼓湖烟火相望其國塹柵三重環以流水植棘爲藩以刀稍弓矢劍鼓爲兵器眎月盈虧以紀時無他奇貨商賈不通厥土沃壤無賦斂有事則均稅旁有毗舍邪國語言不通袒裸盱眙殆非人類淳熙間國之酋豪嘗率數百輩猝至泉之水澳圍頭等村肆行殺掠喜鐵器及匙筯人閉戶則免但剗其門闥而去擲以匙筯則頻拾之見鐵騎則爭剗其甲駢首就戮而不知悔臨敵用標鎗繫繩十餘丈爲操縱蓋惜其鐵不忍棄也不駕舟楫惟縛竹爲筏急則羣舁之泗水而遁

定安國本馬韓之種爲契丹所攻破其酋帥糾合餘眾保于西鄙
建國改元自稱定安國開寶三年其國王烈萬華因女真遣使入
貢乃附表貢獻方物太平興國中太宗方經營遠略討擊契丹因
降詔其國令張犄角之勢其國亦怨寇讎侵侮不已聞中國用兵
北討欲依王師以攄宿憤得詔大喜六年冬會女真遣使來貢路
由本國乃託其使附表來上云定安國王臣烏立明言伏遇聖主
洽天地之恩撫夷貊之俗臣立明誠喜誠抃頓首頓首臣本以高
麗舊壤渤海遺黎保據方隅涉歷星紀仰覆露鴻鈞之德被浸漬
無外之澤各得其所以遂本性而頃歲契丹恃其彊暴入寇境土
攻破城砦俘略人民臣祖考守節不降與眾避地僅存生聚以迄
于今而又扶餘府昨背契丹竝歸本國災禍將至無大於此所宜
受天朝之密畫率勝兵而助討必欲報敵不敢違命臣立明誠懇

誠願頓首頓首其末題云元興六年十月日定安國王臣立朝表
上聖皇帝而上答以詔書曰勅定安國王烏玄明女眞使至得所
上表以朕嘗賜手詔諭旨且陳感激卿遠國豪帥名王茂緒奄有
馬韓之地介于鯨海之表疆敵吞併失其故土沈寃未報積憤奚
伸矧彼獯戎尙搖蠱毒出師以薄伐乘夫天災之流行敗衄相尋
滅亡可待今國家已于邊郡廣屯重兵只俟嚴冬卽申天討卿若
能追念累世之恥宿刑舉國之師當予伐罪之秋展爾復仇之志
朔漠底定爵賞有加宜思永圖無失良便而況渤海願歸於朝化
扶餘已背於賊庭勵乃宿心糾其協力克期同舉必集大勳尙阻
重溟未遑遣使倚注之切鑒寐寤忘以詔付女眞使令齎以賜之
端拱二年其王子因女眞使附獻馬雕羽鳴鏑淳化二年其王子
太元女眞使上表其後不復至

渤海本高麗之別種唐高宗平高麗徙其人居中國則天萬歲通
天中契丹攻陷營府高麗別種大祚榮走保遼東睿宗以爲急汗
州都督封渤海郡王因自稱渤海國併有扶餘肅慎等十餘國歷
唐梁後唐朝貢不絕後唐天成初爲契丹阿保機攻扶餘城下之
改扶餘爲東丹府命其子突欲留兵鎮之阿保機死渤海王復攻
扶餘不能克歷長興清泰遣使朝貢周顯德初其酋豪崔烏斯等
三十人來歸其後隔絕不能通中國太平興國四年太宗平晉陽
移兵幽州其酋帥大鸞河率小校李勣等十六人部族三百騎來
降以鸞河爲渤海都指揮使六年賜烏舍城浮渝府渤海瑋府王
詔曰朕纂紹丕構奄有四海普天之下罔不率俾矧大原封域國
之保障頃因竊據遂相承襲倚遼爲援歷世逋誅朕前歲親提銳
旅盡護諸將拔并門之孤壘斷匈奴之右臂眷言弔伐以蘇黔黎

蠢茲北戎非理構怨輒肆荐食犯我村略一昨出師逆擊斬獲甚眾今欲鼓行深入席捲長驅焚其龍庭大殲醜類素聞爾國密邇寇讎迫於吞并力不能制因而服屬困於率割當靈旗破敵之際是鄰邦雪憤之日所宜盡出族帳佐予兵鋒俟其翦滅沛然封賞幽薊土宇復歸中原朔漠之外悉以相與勗乃協力朕不食言時將大舉征契丹故降是詔諭旨九年春宴大明殿因召大鸞河慰撫久之上謂殿前都校劉延翰曰鸞河渤海豪帥束身歸我嘉其忠順夫夷落之俗以馳騁爲樂候高秋戒候當與駿馬數十匹令出郊遊獵以遂其性因以緡錢十萬并酒賜之

日本國者本倭奴國也自以其國近日所出故以日本爲名或云惡其舊名改之也其地東西南北各數千里西南至海東北隅隔以大山山外卽毛人國自後漢始朝貢歷魏晉宋隋皆來貢唐永

微顯慶長安開元天寶上元貞元元和開成中竝遣使入朝雍熙
元年日本國僧奝然與其徒五六人浮海而至獻銅器十餘事并
本國職員今王年代紀各一卷奝然衣緣自云姓藤原氏父爲眞
連眞連其國五品品官也奝然善隸書而不通華言問其風土但
書以對云國中有五經書及佛經白居易集七十卷竝得自中國
土宜五穀而少麥交易用銅錢文曰乾文大寶畜有牛驢羊多
犀象產絲蠶多織絹薄緻可愛樂有國中高麗二部四時寒暑大
類中國國之東境接海島夷人所居身面皆有毛東奧州產黃金
西別島出白銀以爲貢賦國王以王爲姓傳襲至今王六十四世
文武僚吏皆世官其年代紀所記云初主號天御中主次日天村
雲尊其後皆以尊爲號次天八重雲尊次天彌間尊次天忍勝尊
次瞻波尊次萬魂尊次利利魂尊次國狹槌尊次角鬲魂尊次汲

津丹尊次而垂見尊次國常立尊次天鑑尊次天萬尊次沫名杵
尊次伊奘諾尊次素戔嗚尊次天照大神尊次正哉吾勝速日天
押穗耳尊次天彥尊次炎尊次彥瀲尊凡二十三世竝都於筑紫
日向宮彥瀲第四子號神武天皇自筑紫宮入居大和州橿原宮
卽位元年甲寅當周僖王時也次綏靖天皇次安寧天皇次懿德
天皇次孝昭天皇次孝天皇次孝靈天皇次孝元天皇次開化天
皇次崇神天皇次垂仁天皇次景行天皇次成務天皇次仲哀天
皇國人言今爲鎮國香椎大神次神功天皇開化天皇之曾孫女
又謂之八長足姬天皇國人言今爲太奈良姬大神次應神天皇
甲辰歲始於百濟得中國文字今號八蕃菩薩有大臣號紀武內
年三百七歲次仁德天皇次履中天皇次反正天皇次允恭天皇
次安康天皇次雄略天皇次清寧天皇次顯宗天皇次仁賢天皇

次武烈天皇次繼體天皇次安開天皇次宣化天皇次天國排開
廣庭天皇亦名欽明天皇卽位十一年壬申歲始傳佛法於百濟
國當此土梁承聖元年次敏達天皇次用明天皇有子曰聖德太
子年三歲聞十人語同時解之七歲悟佛法于菩提寺講聖鬘經
天雨曼陀羅華當此土隋開皇中遣使泛海至中國求法華經次
崇峻天皇次推古天皇欽明天皇之女也次舒明天皇次皇極天
皇次孝德天皇白雉四年律師道照求法至中國從三藏僧立契
受經律論當此土唐永徽四年也次天豐財重日足姬天皇令僧
智通等入唐求大乘法相教當顯慶三年次天智天皇次天武天
皇次持總天皇次文武天皇大寶三年當長安元年遣粟田真人
入唐求書籍律師道慈求經次阿閉天皇次皈依天皇次聖武天
皇寶龜二年遣僧正玄昉入朝當開元四年次孝明天皇聖武天

皇之女也天平勝寶四年當天寶中遣使及僧入唐求內外經教及傳戒次天炊天皇次高野姬天皇聖武天皇之女也次白璧天皇二十四年遣二僧靈仙行賀入唐禮五臺山學佛法次桓武天皇遣騰元葛野與空海大師及延歷寺僧澄入唐詣天台山傳智者正觀義當元和元年間次諾樂天皇次嵯峨天皇次淳和天皇次仁明天皇當開成會昌中遣僧入唐禮五臺次文德天皇當大中年間次清和天皇次陽成天皇次光孝天皇遣僧宗睿入唐傳教當光啟元年也次仁和天皇當此土梁龍德中遣僧寬建等入朝次醍醐天皇次天慶天皇次封上天皇當此土周廣順年也次冷泉天皇今爲太上天皇次守平天皇卽今王也凡六十四世畿內有山城大和河內和泉攝津凡五州共統五十三郡東海道有伊賀伊勢志摩尾張參河遠江駿河伊豆甲斐相模武藏安房上

總常陸凡十四州共統一百一十六郡東山道有通江美濃飛驒
信濃上野下野陸奥出羽凡八州共統一百二十二郡北六道有
狹越前加賀能登土中越後佐渡凡七州共統三十郡山陰道有
丹波丹波彼徂馬因幡伯耆出雲石見隱伎凡八州共統五十二郡
小陽道有播磨美竹備前備中備後安藝周防長門凡八州共統
六十九郡南海道有伊紀淡路河波讚耆伊豫土佐凡六州共統
四十八郡西海道有筑前筑後豐前豐後肥前肥後日向大隅薩
摩凡九州共統九十三郡又有壹伎對馬多祓凡三島各統二郡
是謂五畿七道三島凡三千七百七十二都四百一十四驛八十
八萬三千三百二十九課丁課丁宜外不可詳見皆齋然所記云
按隋開皇二十年倭王姓阿每名自多利思比孤遣使致書唐永
徽五年遣使獻琥珀馬瑙長安二年遣其朝臣真人貢方物開元

初遣使來朝天寶十二年又遣使來貢元和元年遣高階真人來貢開成四年又遣使來貢此與其所記皆同大中光啟龍德及周廣順中皆嘗遣僧至中國唐書中五代史失其傳唐咸亨中乃中元二十三年大曆十二年建中元年皆來朝貢其記不載太宗召見喬然存撫之甚厚賜紫衣館于太平興國寺上聞其國王一姓傳繼臣下皆世官因歎息謂宰相曰此島夷耳乃世祚遐久其臣亦繼襲不絕此蓋古之道也中國自唐季之亂寓縣分裂梁周五代享膺尤促大臣世胄鮮能嗣續朕雖德慙往聖常夙夜寅畏講求治本不敢暇逸建無窮之業垂可久之範亦以爲子孫之計使大臣之後世襲祿位此朕之心焉其國多有中國典籍喬然之來復得孝經一卷越王孝經新義第六五一卷皆金縷紅羅標水晶爲軸孝經卽鄭氏注者越王者乃唐太宗子越王貞新義者記室

參軍任希古等撰也。齋然復求詣五臺許之。令所過續食。又求印
本大藏經。詔亦給之。二年。隨台州寧海縣商人鄭仁德船歸其國。
後數年。仁德還。齋然遣其弟子喜因奉表來謝。曰。日本國東大寺。
大朝法濟大師。賜紫沙門。齋然啟傷鱗入夢。不忘漢主之恩。枯骨
合歡。猶亢魏氏之敵。雖云羊僧之拙。誰忍鴻需之誠。齋然誠惶誠
恐。頓首頓首。死罪。齋然附商船之離岸。期魏闕於生涯。望落日而
西行。十萬里之波濤。難盡顧信風而東別。數千里之由嶽。易過安
以下根之卑。適詣中華之盛。於是宣旨頻降。恣許荒外之跋涉。宿
心克協。粗觀寓內之壤。奇況平金闕。曉後望堯雲。於九禁之中。巖
局晴前。拜聖鐙於五臺之上。就三藏而稟學。巡數寺而優游。遂使
邁華迴文。神筆出於北闕之北。貝葉印字。佛詔傳於東海之東。重
蒙宣恩。忽趁來迹。季夏解台州之纜。孟秋達本國之郊。爰逮明春。

初到舊邑緇素欣待侯伯慕迎伏惟陛下惠溢四溟恩高五嶽世
超黃軒之古人直金輪之新裔然空辭鳳凰之窟更還螻蟻之封
在彼在斯只仰皇德之盛越山越海敢忘帝念之深縱粉百年之
身何報一日之惠染筆拭淚伸紙搖魂不勝慕恩之至謹差上足
弟子傳鐙大法師位嘉因并大朝剃頭受戒僧祚乾等拜表以聞
稱其本國永延二年歲次戊子二月八日實端拱元年也又別啟
貢佛經納青水函琥珀青紅白水晶紅黑木櫛子念珠各一連竝
納螺鈿花形平函毛籠一納螺杯二口葛籠一納法螺二口染皮
二十枚金銀蒔繪篋一合納髮鬘二頭又一合納參議正四位上
藤佐理手書二卷及進奉物數一卷表狀一卷又金銀蒔繪硯一
篋一合納金硯一鹿毛筆松煙墨金銅水瓶鐵刀又金銀蒔繪扇
篋一合納檜扇二十枚蝙蝠扇二枚螺鈿梳函一對其一納赤木

梳二百七十共一納龍骨十櫪螺鈿書案一螺鈿書几一金銀薛
繪平篋一合納白細布五匹鹿皮籠一納貂裘一領螺鈿鞍轡一
副銅鐵鐙紅絲鞦泥障倭畫屏風一雙石流黃七百斤咸平五年
建州海賈周世昌遭風飄至日本凡七年得還與其國人滕木吉
主上皆召見之世昌以其國人唱和詩來上詞甚雕刻膚淺無所
取詢其風俗云婦人皆被髮一衣用二三縑又陳所記州名年號
上令滕木吉以所持木弓矢挽射矢不能遠詰其故國中不習戰
鬪賜木吉時裝錢遣還景德元年其國僧寂照等八人來朝寂照
不曉華言而識文字繕寫甚妙凡問答竝以筆札詔號圓通大師
賜紫方袍天聖四年十二月明州言日本國太宰府遣人貢方物
而不持本國表詔卻之其後亦未通朝貢南賈時有傳其物貨至
中國者熙寧五年有僧誠尋至台州止天台國清寺願留州以聞

詔使赴闕誠尋獻銀香爐木榼子白琉璃五香水精紫檀琥珀所飾念珠及青色織物綾神宗以其遠人而有戒業處之開寶寺盡賜同來僧紫方袍是後連貢方物而來者皆僧也元豐元年使通事僧仲回來賜號慕化懷德大師明州又言得其國太宰府牒因使人孫忠還遣仲回等貢純二百匹水銀五千兩以孫忠乃海商而貢禮與諸國異請自移牒報而答其物直付仲回東歸從之乾道九年始附明州綱首以方物入貢淳熙二年倭船火兒滕太明毆鄭作死詔械太明付其綱首歸治以其國之法三年風泊日本舟至明州眾皆不得食行乞至臨安府者復百餘人詔人日給錢五十文米二升俟其國舟至日遣歸十年日本七十三人復飄至秀州華亭縣給常平義倉錢米以振之紹熙四年泰州及秀州華亭縣復有倭人爲風所泊而至者詔勿取其貨出常平米振給而

遣之慶元六年至平江府嘉泰二年至定海縣詔竝給錢米遣歸國

党項古析支之地漢西羌之別種後周世始強盛有細風氏費聽氏往利氏頗超氏野亂氏房當氏來禽氏拓拔氏最爲強族唐貞觀至上元間內附散居西北邊元和以後頗相率爲盜會昌初武宗置三使以統之在邠寧延者爲一使在鹽夏長澤者爲一使在靈武麟勝者爲一使五代亦常入貢今靈夏綏麟府環慶豐州鎮戎天德振武軍竝其族帳太祖建隆二年代州刺史折乜埋來朝乜埋党項之大姓世居河右有捍邊之功故授以方州召令入覲而遣還開寶元年直蕩族首領唃佶等引并人寇府州爲王師所敗詔內屬羌部十六府大首領屈遇與十二府首領羅崖領所部誅唃佶唃佶懼以其族歸順以屈遇爲檢校太保歸德將軍羅崖